



積微翁回憶錄

楊樹達 著



北京大學出版社
PEKING UNIVERSITY PRESS

積微翁回憶錄

楊樹達 著



北京大学出版社
PEKING UNIVERSITY PRESS

圖書在版編目(CIP)數據

積微翁回憶錄/楊樹達著. —北京:北京大學出版社, 2007. 5

ISBN 978-7-301-09423-5

I . 積… II . 楊… III . 積微翁(1885 ~ 1956) – 回憶錄
IV . K825. 5

中國版本圖書館 CIP 數據核字(2007)第 059629 號

書 名: 積微翁回憶錄

著作責任者: 楊樹達 著

責任編輯: 岳秀坤

標準書號: ISBN 978-7-301-09423-5/G·1580

出版發行: 北京大學出版社

地 址: 北京市海澱區成府路 205 號 100871

網 址: <http://www.pup.cn> 電子郵件: pkuwsz@yahoo.com.cn

電 話: 郵購部 62752015 發行部 62750672 出版部 62754962

編輯部 62752025

印 刷 者: 北京宏偉雙華印刷有限公司

經 銷 者: 新華書店

650mm × 980mm 16 開本 19.75 印張 274 千字

2007 年 5 月第 1 版 2007 年 5 月第 1 次印刷

定 價: 28.00 元

未經許可, 不得以任何方式复制或抄襲本書之部分或全部內容。

版權所有, 侵權必究

舉報電話: 010-62752024; 電子郵件: fd@pup.pku.edu.cn

自序

余生平無他嗜好，惟喜讀書。心有所會，則筆之于書，以爲至樂。憶公元一千九百年，即前清光緒庚子年，余入求實書院，有讀書日記。續爲之者四、五年，得六、七冊；至一九〇五年（乙巳）遊日而輟。旅日時見書坊每于歲末備明年當用日記。年購一冊，取以記每日作業；計當有六、七冊。此兩種今大都散佚，僅存辛丑《讀書日記》一冊，丁未、戊申《當用日記》二冊而已。一九二〇年（民國九年）再遊北京，八月廿九日始續書日記。自此以來，除偶因病缺記外，日日有記。今方寫日記第四十八冊也。此《錄》除無記追憶者外，大抵皆出自此五十冊日記中也。（一九三一年一月日記云，見有庚子、壬寅、癸卯讀書日記三冊，今又皆失之矣。）

余撰文字，必于文題下記年、月、日。《積微居文錄》及《小學金石論叢》皆可見也。故有所撰文字，日記中偶遺未記者，則據文題下之月日載入《錄》中。

余撰文字，往往印成講義，亦偶布于諸雜誌，必以其餘份寄呈友人求教。諸友意在勵余，時時加以獎藉。亦有貢獻己意，加以商榷，而余遂據以芟蕪或改正者；以此余得益甚宏。至獎藉之語，友人既在勵余，余便姑取以自勵；故卷中存者頗多。阿好之辭，自多溢美，非語語信爲誠然也。

余性不喜談政治。中年涉世，見純潔士人一涉宦途，便腐壞墮落，不可挽救；遂畏政治如蛇蠍。由今日觀之，人在社會，決不能與政治絕緣。余往時所見，實爲錯誤。至仕途腐爛，亦國民黨及軍閥之政權時如此，非所語于今日人民政府之時代也。昔年在京，往復論學之

人有喜談政治者，而政治上犯大錯誤之人如陳獨秀者，與余雖未謀一面，然以討論文字學之故，亦曾有書札往還。此等皆屬學問上之因緣，與政治絕無關涉也。慮或誤解，聊復言之。

目 錄

自 序.....	(1)
一八八五年.....	(1)
一八八六年.....	(1)
一八八七年.....	(1)
一八八八年.....	(1)
一八八九年.....	(2)
一八九〇年.....	(2)
一八九一年.....	(2)
一八九二年.....	(2)
一八九三年.....	(2)
一八九四年.....	(2)
一八九五年.....	(2)
一八九六年.....	(3)
一八九七年.....	(3)
一八九八年.....	(4)
一八九九年.....	(4)
一九〇〇年.....	(4)
一九〇一年.....	(4)
一九〇二年.....	(4)
一九〇三年.....	(5)
一九〇四年.....	(5)

一九〇五年	(5)
一九〇六年	(6)
一九〇七年	(6)
一九〇八年	(7)
一九〇九年	(7)
一九一〇年	(7)
一九一一年	(7)
一九一二年	(8)
一九一三年	(8)
一九一四年	(8)
一九一五年	(8)
一九一六年	(8)
一九一七年	(8)
一九一八年	(8)
一九一九年	(9)
一九二〇年	(9)
一九二一年	(10)
一九二二年	(11)
一九二三年	(13)
一九二四年	(14)
一九二五年	(16)
一九二六年	(19)
一九二七年	(21)
一九二八年	(23)
一九二九年	(28)
一九三〇年	(30)
一九三一年	(38)
一九三二年	(41)
一九三三年	(47)
一九三四年	(54)

一九三五年	(64)
一九三六年	(77)
一九三七年	(89)
一九三八年	(98)
一九三九年	(103)
一九四〇年	(109)
一九四一年	(117)
一九四二年	(127)
一九四三年	(139)
一九四四年	(147)
一九四五年	(155)
一九四六年	(165)
一九四七年	(178)
一九四八年	(188)
一九四九年	(202)
一九五〇年	(210)
一九五一年	(221)
一九五二年	(242)
一九五三年一至六月	(255)

補編

一九五三年七月	(264)
一九五四年	(270)
一九五五年	(282)
一九五六年	(295)
整理後記	(297)
重版後記	(299)

積微翁回憶錄 (一九五〇年九月廿九日)

公元一八八五年(清光緒十一年乙酉),年一歲。

是年四月十九日,生於長沙北門正街宗伯司臣坊側之賃居。余先世力農,以貴雄於一鄉。以火把差,家中落。至曾祖春台公時益困;遂移居會垣,治菜圃。春台公雖居貧,爲人尚義俠,以正直稱。祖父炳南公體魁梧,聲如洪鐘;性伉直,人有過,面斥不少假。自以貧故早輟學,督吾父翰仙公讀書甚力。翰仙公性篤厚,少時以力學致病咯血。喜讀《史記》、《資治通鑑》、唐宋八家古文;於科舉帖括程式不甚措意。清光緒壬辰,年三十四,始受知於錢塘張子虞學使,預補長沙府學附生。鄉試屢薦不售。戊戌歲試補增生,後入貲爲候選訓導,加中書科中書銜。性廉介,在乾州廳幕及任湖南礦局事,人欲賄先君,先君婉拒之。吾母孔太夫人性慈愛而有斷。以禮法督教子女。善治家,初處約,晚境稍豐,勤勞樸素終始如一焉。太夫人生男女十人,夭者四人。余有兄一,弟一,女兄二人,女弟一人。

一八八六(光緒十二年丙戌),年二歲。

一八八七(光緒十三年丁亥),年三歲。

一八八八(光緒十四年戊子),年四歲。

一八八九(光緒十五年己丑),年五歲。

是年先君爲人授徒,館於外;大父炳南公教余識字。

一八九〇(光緒十六年庚寅),年六歲。

是年始從先君受讀。先君頻年館於外,爲人課子弟,不能家居教余兄弟,每以爲憂。是年,外祖父孔曉巖公築新居於小東茅巷成,頗有餘屋。母舅茆村公須聘業師,孔太夫人因請於外祖,外祖遂令舅氏從先君受業,不致館穀,而以其餘屋令吾家寓居以爲酬。於是先君始得安居於家,訓吾兄弟焉。

一八九一(光緒十七年辛卯),年七歲。

既從先君受書,略識訓詁文義。一日偶思:取訓義相同之字聚集爲一編,豈不大佳乎?私蓄於懷,不敢宣諸口也。及少長,讀《爾雅》,乃知世間早有此書矣。

一八九二(光緒十八年壬辰),年八歲。

是年先君翰仙公補長沙府學附生。

一八九三(光緒十九年癸巳),年九歲。

一八九四(光緒二十年甲午),年十歲。

是年湖南大旱,巡撫吳縣吳公大澂,盛衣冠,步行通衢,禱雨於諸神廟。大父炳南公攜余兄弟往觀。余後跋吳公所著《字說》,繫以七律一首,有“求雨曾窺董相姿”之句,記此事也。

清廷戰敗於日本,國人憤慨。

一八九五(光緒二十一年乙未),年十一歲。

是年先君始課余作文。先君不喜應試之八股文,故督余兄弟作論說。時余方讀《春秋左氏傳》,恒以《左傳》事實命題焉。

一八九六(光緒二十二年丙申),年十二歲。

自甲午中日戰後,國人憤慨,力圖自強之策,士論皆謂宜求實學。先君命先伯兄薌詒(樹穀)從人習算學。先兄有所知,又以授余。於是余於諸經、古文之外兼習數學焉。

一八九七(光緒二十三年丁酉),年十三歲。

四月。湖南提學使元和江建霞先生(標)設實學會於北門外湘水校經堂(今爲廣益中學),延通算學、地理、英文者各一人爲教習。入會講習者,人繳費制錢拾千文,畢業後退還。余兄弟甚願入會習算學,而費無所出。開學之日,余等往觀,見算學教習易君講授開方術。余笑謂兄曰:“此不甚易乎?”校經堂頗有藏書,江先生特開放,令堂外人來堂閱覽。各發閱書證一紙,令署己名氏。余方立學使案前署名,有一人指余私語其友曰:“此少年頗解算學。”蓋余與兄語時,此君從旁聞之也。余署名訖,學使問余曰:“爾曾入會否?”對曰:“未也。”問:“何不入會?”曰:“家寒,不能備學費耳。”學使令召易君至,謂曰:“聞此生頗知算學,可命題試之。”易君因領余至其居室,以開方題命余布算。余得數,示易君。易君首肯,復率余向學使復命。學使遂於余閱書證上批云:“准該生免費入會。”余等歸家,家人聞知,皆以爲喜。然余獨入會而伯兄不能偕,則仍恨事也。先君因走商好友畢松甫丈(永年),丈新受知於學使,得拔貢者也。明日,畢丈偕先君率余至學使署致謝,先兄亦偕往。先君向學使致謝後,言兒輩向來共學,仍求爲先兄免費。學使允之。於是余兄弟寓堂習算學者數月,所學亦較進。戊戌政變,江先生以新黨落職。先生之風流儒雅,愛才如命,至今湘土有遺愛焉。畢丈性任俠,愛國之心至篤。庚子起義之役,丈與焉。事敗,憤而爲僧,後沒於南洋。章太炎先生嘗爲其傳云。

十月。湖南巡撫義寧陳公寶箴、按察使嘉應黃公遵憲與湘紳鳳凰熊公希齡,瀏陽譚公嗣同等合力創辦時務學堂。考取第一班學生四十人,伯兄及余皆與焉。第一名爲慈利李君炳寰,字琥生,後以庚子起義殉國。第二名爲邵陽蔡君良寅,後改名鏐。袁世凱稱帝,蔡君

起義於雲南，攻克四川。袁不得已，取消帝制，遂憤鬱以死。堂中中文總教習爲新會梁任公先生（啓超），西文總教習爲吳縣李蟬琴先生（維格）。梁先生用《孟子》及《公羊春秋》爲教本，主張民權革命之說；學者思想爲之一變。

一八九八（光緒二十四年戊戌），年十四歲。

時務學堂授課，每日上午英文四時，下午中文二時。余年較稚，每日正座六時，體力不勝。春間發病，遂輟學。七月間，童生院試，伯兄補長沙縣學附生。學使爲宛平徐研甫先生（仁鑄）。徐先生主張維新救國，與梁先生爲同志。肄業時務諸生未入學者，是年，大抵獲雋。院試例試兩場，余首场亦入選，次場被擯。

八月，政變，湖南新政如警察、學會、報館、電燈，一切皆廢。時務學堂解散。陳公寶箴、黃公遵憲、徐公仁鑄、熊公希齡皆貶黜。譚公嗣同戮於京師。於是西太后及舊派之勢大張，新機摧毀殆盡矣！

一八九九（光緒二十五年己亥），年十五歲。

一九〇〇（光緒二十六年庚子），年十六歲。

秋間，余入求實書院肄業。時務學堂解散後，湘大吏改設此院。經史外，兼備算學、英文二科，不習者聽之。余兼習算學。同學湘潭周大椿，字季良，頗好學，與余相得。季良有兄名大寬，字靜軒，博學多聞。余時時從之問疑，頗有所得。

是年始，讀書頗勤，始寫讀書日記。

一九〇一（光緒二十七年辛丑），年十七歲。

肄業求實。

一九〇二（光緒二十八年壬寅），年十八歲。

肄業求實。八月鄉試，先君及伯兄皆入場。榜發，伯兄中式副貢。初，先君頗欲余入場應試。余懼自具餐爨之苦，又頗淡於科名，

辭不應。先君亦不强也。

從人假得阮氏《詩書古訓》，讀而好之。時方治《周易》，遂依其體例輯《周易古義》。

一九〇三(光緒二十九年癸卯)，年十九歲。

是年求實改爲大學堂，余去院家居。年來治經之志甚切，遂偕伯兄同往問業於湘潭胡子威先生(元儀)，先生以經學名也。新學使錢塘吳子修先生(慶坻)蒞湘，發佈觀風課題。先君望余之學之意甚殷，督余撰文應課。余爲文八篇付去。五月院試經、古。余報經學，繼考正場《四書》義。案發，入選。復試題爲《漢明帝令期門羽林之士習孝經論》。文思騰發，信筆疾書，頃刻而就，第一人繳卷。學使隨即批閱，於文末說《孝經》源流處，濃圈密點。批語云：“鎔經鑄史，卓爾不羣，少年得此，尤爲可喜！”旋呼余至前，以卷付余，命錄前兩場首藝文首各三百字。余如命錄交。晚間案發，余列名第一。後取出觀風卷，亦名列第一。批語盛獎有加。旋調余入校經堂肄業。堂規：肄業生月給銀四兩，應課獎在外。學使意在激勵余誦讀，至厚也。

一九〇四(光緒三十年甲辰)，年二十歲。

一九〇五(光緒三十一年乙巳)，年二十一歲。

壬寅以來，士子往日本留學者至夥。去年周季良亦往遊，時時以書抵余，陳說世界大勢。謂中國危亡在即，力勸往遊。余初不以爲意，久而不免心動。適湖南巡撫端公方擬派學生赴日本。伯兄決出遊，余遂亦往應試，皆得錄取。大父炳南公望余兄弟得科名之心素切，意不欲余等行。余兄弟力說，且言明年當返國應鄉試，遂不强阻。先是先君爲余聘吳惺源先生之第三女爲室。至是吳府聞余將遊日本，力促成婚，遂於五月結婚。六月，偕伯兄成行。同行官紳凡四五十人。過武昌，留居數日，將謁兩湖總督張公之洞。張公以官事不暇接見，命梁公鼎芬代見；且命屬吏宴余等爲餞。旋赴上海，登日輪到神戶，換火車抵東京。周季良得余電來迎，偕至季良小石川區三軒町

賃居。因有餘屋，余即與季良同寓。飲食爲中國蔬肴，至安適。余獨居一小樓，尤僻靜。伯兄學校遠隔，別居麴町區也。九月，入宏文學院大塚分校普通第二班，以日本語文爲主課。

清廷下詔廢科舉。

一九〇六(光緒三十二年丙午)，年二十二歲。

寓日本東京小石川區，肄業弘文學院分校。

三月，大父炳南公去世。大父於余兄弟尤鍾愛余，期望余之心最切。臨危時，喚家人云：“二少爺回了，開門去罷！”由此知吾祖父平日念我之切爲何如耶！余違命强行，不能養志，悔恨萬分，竟無及矣！余兄弟得耗後，念吾父母突遭大故，體必不安。伯兄遂於暑假歸國省視。家居少時，仍返東京。

弘文學校教授英文極緩。余因與同學二人別求教於若月岩吉君，每週數時，如此者二年餘。

一九〇七(光緒三十三年丁未)，年二十三歲。

寓東京小石川區，肄業大塚弘文分院。十月移入牛込區。

二月，繼祖母張太夫人去世。

三月，大人諭告母病，命余兄弟速歸國。遂偕兄乘車至橫濱登海輪，上海、漢口換乘輪船。四月十二日抵家。母病較前發信時大癒，爲之大慰。拜祖父母靈。離家不二年，歸來竟不得見，愴痛無已。二十九日下鄉謁大父炳南公墓。

七月，以母病漸癒，別家返東京。伯兄因已畢業速成法政科，不復行。

十月，從楊懷中(昌濟)借得王國維《靜安文集》讀之，談教育甚有識解。

秋間別家時，余本約冬間中學畢業後返國。到東後，以慈親健康已復，而余學業尚淺，意欲續學，因稟請之。十一月，得兄書，告母許余緩歸，甚以爲喜。十一月。宏文學院普通中學畢業。

十二月，入順天堂醫院治脫腸症，行手術後二十日出院。

一九〇八(光緒三十四年戊申),年二十四歲。

一月,寓東京神田區仲猿東町,入學於正則英語學校。

三月,東京第一高等學校爲國人特設豫科招考。余赴試,凡試日語、數學、英文三科,得取錄。

四月,入學第一高等學校,居學校寄宿舍。

三弟來東京,入學巢鴨宏文學院。

暑假,受英語於正則。

九月,高等學校開學,入居宿舍。學校團體旅行,遊日光。

十月。得兄書,知庶祖母羅八月在蜀姑母寓無疾而逝。

一九〇九(宣統元年己酉),年二十五歲。

三月,第一高等學校豫科畢業。余被派入京都第三高等學校,因開學尚早,歸國省親。

八月,別家赴日本京都,入學第三高等學校。同班派入此校者凡五人。余外,爲浙江宋任,福建何熙曾、何崧齡,廣東何良藻。賃民房與常德蔡劭弢(湘)同寓,蔡,時務同學,去年即入京都高等工業學校也。

一九一〇(宣統二年庚戌),年二十六歲。

六月,暑假,歸國省親。

八月,別家再赴京都,寓旅店。同寓有湘陰范旭東(銳)。范爲京都大學生,習化學。

一九一一(宣統三年辛亥),年二十七歲。

六月,暑期,歸國省親。

八月,別家三赴京都,內子吳偕行。獨賃屋居。受課月餘,武昌革命軍起義,官費無着,別日本返國。過上海,從友人貸款充旅費,返長沙。適湖南新政府成立,求實同學陳夙荒(潤霖)長教育司。余入司任職,旋充圖書科科長。

一九一二(民國元年壬子),年二十八歲。

四月,去教育司,改任湖南圖書編譯局編譯事,兼任楚怡工業學校英文教員。

八月,子德洪生。

冬,任湖南高等師範學校教務長。

一九一三(民國二年癸丑),年二十九歲。

三月。去高等師範學校職。

夏,湖南宣布獨立,反對袁世凱。旋取消獨立,袁令湯薌銘督湘,肆行殺戮。

九月,任湖南第四師範學校國文法教員,始治國文法。○子德文生,三歲瘍。

一九一四(民國三年甲寅),年三十歲。

春間,第四師範學校合併入第一師範學校,余去職。

一九一五(民國四年乙卯),年三十一歲。

任省立第一師範學校國文教員。一學期後,主者易人,去職。

日本以二十一條脅袁世凱。

一九一六(民國五年丙辰),年三十二歲。

二月。任省立第一女子師範國文教員。計任此職凡四年,至八年冬北遊始去職。袁世凱稱帝,國人聲討,旋自取消,憤恚而死。

六月。子德驥生。

一九一七(民國六年丁巳),年三十三歲。

一九一八(民國七年戊午),年三十四歲。

是年南北交關。

三月。南帥譚浩明夜遁，市民震動，學校輟講。余念《老子》“天地不仁，以萬物爲芻狗”及“兵者，不祥之器”諸語，廿七日，始輯《老子古義》，凡五十日而竟。

年來治學頗勤，有述作之志。初欲撰《論衡校注》，成三卷，棄去。繼爲《韓詩外傳疏證》，未成。最後治《鹽鐵論》。北遊後，繼續治之。草稿粗具，國難後失去。

一九一九(民國八年己未)，年三十五歲。

三月，子德鑫生，後改名文玄。

五月四日，北京學生以巴黎和會處置中國事不公，羣衆遊行，反對代表簽字，毆擊漢奸曹汝霖、章宗祥等，是爲五四運動。同時，北京大學教授提倡思想解放，文字主張白話，新潮徧於全國。○長沙教育界陳夙荒(潤霖)、朱劍凡等發起健學會，響應新潮，余與焉。

秋冬間，始撰《馬氏文通刊誤》，撰《中國語法綱要》。

湘省督軍張敬堯行爲不法，蔑視教育。學界人人憤慨，發起驅張運動，推舉余及羅教鐸爲入京代表。○十一月，余偕羅君入京，到國務院請願，當局不顧也。

一九二〇(民國九年庚申)，年三十六歲。

困居京寓，以舊譯日本人著《兒童個性之研究》稿託人介紹出版，得稿酬百元，借以自活。

五月，張敬堯由湘出走，余返里。

歷年在湘任教國文，以改作文卷爲苦役。敷衍了事，則恐誤人子弟，於心不安；細心評改，耗費時間至多，而於己絕無進益。居京數月，見諸任教大學者每週授課不過八九時，自修時間綽有餘裕，每心羨之。近來政局一變，范靜生(源濂)任教育部長，思入京謀一教職。

八月，遂再北遊，廿九日抵京。

九月。

十一日，到教育部國語統一籌備會任職，兼任北京師範學校國語法，北京法政專門學校日文教員。國語會擬編辭典，囑余撰“編輯大